

Ich han ne Arbeitskolleg gehat, dä wor immer su pingelig un dä dät dann immer: “Och, ming Frau, die hät jo Vertrauen zo mir un do passiert nix. Ich kann maache, wat ich well, die gläuv mer alles.” Un dann ha' mer gesaht: “Irgendwann krige mer dich ens draan!”

Jo, un da kom dä eine op die Idee. “Weiß de wat? Jetzt rofe mer morg, wenn dä hingen an der Arbeit es un hängk do hingen em Gebünn - do gov et jo noch kein Handys un su - rofe mer däm sing Frau aan.” Un dann han ich däm et Telefon gegow, ich sag: “Dann rof aan!” Ming Stemm kannt die. Dann säht e: “Hören Se mal, Ihr Mann is dä krank?”

Un da hät die Frau gefrog: “Ja, wieso krank?”

“Ja”, säht dä, “den ha'm wir noch nich gesehen heute hier.”

“Kann do' nich sein! Nöö, dä es nit krank”, un opgelacht.

Am andere Morge beim Kaffeedrinke kom dä ren, wödig, schmieß alles en de Hötte un säht: “Wä wor dat, do Idiot! Ming Frau die gläuv mer nix mih. Die hät gedaach, ich wör frembgegan.”

Un dann ha' mer och noher widder de Frau aangerofe, han ich dann aangerofe, un han gesaht: “Su un su es dat passiert.”

Ävver dann wor do richtig eets ens e paar Dag Knies en der Bud.

EhSES, Kurt (75): *Die gläuv mer alles*

nə 'ʔa:baɪtskole:ŋ:əhat:ɛ vo ʔeme zu piŋəlɪʒ_ʊn de ðe:t:an ʔeme ʔo:x miŋ fʁaʊ: di hət ja fətʁaʊən tʃo miɛ_ʊn da pasi:ɛt niks ŋ_ka_ma:xə vad_ɪf vel di glɔʏf me ʔaləs nə_ʊn dan ha_ me jəza:t 'ʔəbjənvan kʁiə me dij_əns dʁa:n jə_ʊn da ko:m de ʔeɪnə ʔop ti ʔi'de: vaɪs:ə vat jɛʃs ʁo:fə me mʊɛjə ven de hiŋən_ en de ʔa:baɪt ʔes: ʔʊn hɛŋk tɔ hiŋən_ em jəbʏn go:v_ət ja nox ken hɛndiz_ʊn zʊ ʁo:fə me dɛm zɪŋ fʁaʊ_a:n nə_ʊn dan ha_əf da mət:ɛləfo:n_əjovə ʔɪf sa dan ʁo:v_a:n miŋ ʃtem kant:i dan zɛt:ə hø:ʁən zə ma:l ʔiɛ man: ʔɪs de kʁaŋk ŋ_a hət:i fʁaʊ jəfʁo:ŋ:ə jə vi'zo: kʁaŋk ja zɛ:t:ɛ dɛn ha_mɪɛ no niŋ:əzɛ_ən hɔʏtə hiɛ nə kan dɔ niŋ saɪn:ə noɛ: de ʔes nit kʁaŋk noɛ_ʊn jə:_ʊn 'ʔɔpjəla:t ʔam ʔandəʁə moxjə bɛm kafə dʁɪŋkə ko:m de ʁɪn vø:dɪf ʃmi:s ʔalɛz_ en də hətə ʔʊn zɛ_ ve vo: dat du: ʔidi'jo:t miŋ fʁaʊ di glɔʏf me niks mi: di hət jəda:ʁ_ɪf vœɛ fʁɛmp:ɛjaŋə nə ja_ʊn dan ha_ me_ɛve na'hɛɛ vidɛ də fʁaʊ ʔa:ŋjəʁo:v_an_ɪf tan ʔa:ŋjəʁo:v_ on han jəzɛ zo_ʊn zo_ es dat pasiɛt nə ʔɛvɛ da vo: dɔ 'ʁɪhtɪf ʔe:ʃs_əns ʔə pa da:x kni:s_ en də bu:t